


## VIGESIMAOCTAVA QVINTI LIBRI FIGVRA.

*HÆC* figura canum non prægnantem exprimit uterum, quem propter ueterum descriptiones hic humano utero adicere uisum est, uti magis adhuc uaccinum, quem modo subiungemus.

- A* Vena & arteria seminalis.  
*B, B* Venæ et arteriæ seminalium portiones, uteri superiori sedi uas porrigentes.  
*C* Testis, ac uas semen à teste deferens.  
*D, D* Membranae uterum peritoneo committentes, & secundum ipsius inuolucrum efformantes.  
*E* Vena ac arteria uteri cervicem & humiliorem fundi partem implicantes.  
*F* Dextra fundi uteri pars, secunda ipsius tunica adhuc uniuersum obducta.  
*G* Sinistra fundi uteri pars, quam media ex parte, exteriori ipsius liberaui.  
*H* mus inuolucro. Genim exterius, *H* uero interius notant.  
*I* Sinistri lateris uas semen deferens, hic à teste liberatum, ac in ipsius sede seruatum.  
*K* Regio, qua fundi uteri orificium consistit.  
*L* Uteri ceruix etiam sinistra ex parte exteriori inuolucro detecta.  
*M* Portio cervicis uesicæ.  
*N* Cutis ad pudendum adhuc reliqua.



## VIGESIMANONA QVINTI LIBRI FIGVRA.

*PRÆSENTI* figura uaccini uteri fundum, & ipsius cervicis portionem ita delineauit, ut magna fundi cervicisq; sedes exteriori inuolucro sit detecta, interiorq; tunica oculis subijciatur.


- A* Testis sinister.  
*B* Vas semen deferens à teste in uterum.  
*C* Sedes orificij fundi uteri.  
*D* Sedes ubi uterus geminus sit, adhuc tamen utraq; parte simul exteriori uteri inuolucro obducta.  
*E* Hæc sede prorsus duæ uteri partes inuicem, arietum cornuum modo dirimuntur.  
*F, F* Externum uteri inuolucrum his sedibus adhuc seruatum.  
*G* Interius uteri inuolucrum innumeris ac uermium implexu non absimilibus uasis intextum.  
*H* Membranae hic adhuc uisitur portio, uterum sinistra in sede peritoneo committentis.



## TRIGESIMA QVINTI LIBRI FIGVRA.

QVATVOR PECVLIARIBVS COMPLEXA TABVLIS.

PRIMA. SECUNDA. TERTIA. QVARTA.



TRIGE-

## TRIGESIMAE QVINTI LIBRI FIGVRARUM TABVLARVM, earundemq; characterum Index.

*PRIMA* tabula uterum masculino foetu turgidum, in anteriori ipsius sede una longa & altera transversa sectione diuisum, uteri fundi tunicarum partes in latera, atque adeo ab exitu foetus inuolucro diducentes.

- A, B, C, D* Interna superficies uteri, quæ ante sectionem foetus inuolucris obducebatur.  
*E, E* Exterior uteri superficies, atque elatius *E* uteri apicem seu angulum dextrum notat, sursum dextrorsumq; magis quam sinister, quod hic masculus utero geratur, exporrectum.  
*F* Primum extimum ue foetus inuolucrum.  
*G, G* Secundum foetus inuolucrum hic quoq; magna ex parte uisitur.  
*H* Uteri cervicis pars, cui in altero latere uenam & arteriam adnatam reliquimus, quæ in humiliorem uteri fundi sedem potissimum dispensatur.  
*I* Dexter uteri testis hic quoq; ut ipsius in grauidis situs uideretur, adhuc relictus.

*SECUNDA* tabula foetus inuolucra illacera ex utero dempta commonstrat.

- K* Extimum foetus inuolucrum.  
*L, L* Secundum foetus inuolucrum: quod quum pellucidum membranae modo sit, in ipso complexu cum tertio inuolucro factum nonnihil conspici sinit.

*TERTIA* tabula extimum foetus inuolucrum, & secundum longa sectione diuisum, ac utraq; à tertio inuolucro seducta, hic una cum tertio inuolucro adhuc integro expressimus.

- M, M* Tertium intimum ue foetus inuolucrum: quod quia egregie pellucidum est, foetum nonnihil co situ ostendit, quo is in ipso iacet.  
*N, N* Venarum arteriarumq; series ex primo foetus inuolucro umbilicum petens.  
*O, P, O, P* Secundum foetus inuolucrum: atque *O* & *O* internam ipsius indicat superficiem, *P* uero & *P* externam.

- Q, R* Primum foetus inuolucrum: atque *Q* externam notat superficiem, *R* autem internam. *V* asorum autem per tertium & secundum inuolucrum series, etiam citra notarum opem promptè dignoscitur.

*QVARTA* tabula foetum omnibus suis tunicis liberum, itaq; iacentem exprimit, quem admodum in utero magna Naturæ prouidentia secus quam Anatomicorum uulgus arbitrat, in omni media figura locatur. Falsissimum nanque est, quod ita conglobatus, aut (ut sic dicam) sphaericus iaceat, ut genibus faciem contingat, itaq; in extrema prorsus figura reperiatur. imò si hunc uerum ipsius situm obseruaueris, nullius prorsus articuli motum magis inuenies merum minus ue laboriosum, atq; is est quem modo singuli obtinent articuli. Caterum in hac figura *M, M, N, O, P, O, P, & Q* ac *R* idē notat quod tertia tabula: nisi quod *M* & *M* internam superficiem insinuant tertij seu intimi inuolucris, *S* autem hic priuatim indicatur uasorum umbilici progressus, qui inter umbilicum & uasorum cum tertio inuolucro connexum habetur, quiq; longo ducitur intervallo, nodis aliquot interdum, aut, ut uerius dicam, uaricosis tubibus donatus, e quorum numero obstetrices ridiculè futuram adhuc proliū copiam præagiunt, etiam quum hunc progressum (uti interdum fit) collo obductum cernunt: addentes illam quam suscipiunt prolem, suspensio necandam. Eiusmodi namq; permulta, si unquam alibi mulieres, quum parturientibus adstant, & non nisi magnis precibus nos admittunt in medium, & potissimum apud Italas bene peritas, effutunt.

QVINTI LIBRI FIGVRARVM, ET IPSARVM characterum Indicum finis.

S 2 HOMINEM